

雲

梯

詩

會

三

集


湘陰左孝同署



南林劉氏
求起齋集

叢書集成續編 第二〇四冊目錄

文學類



詩話

雪橋詩話三集十二卷(二)(卷六至卷十二).....民 楊鍾義撰 求恕齋 一
雪橋詩話餘集八卷.....民 楊鍾義撰 求恕齋 二二五

作詩法

律詩定體一卷.....清 王士禎著 觀自得齋 六二一
詩答問二卷.....清 王士禎著 花雨樓 六二五

文話

瀾堂夕話一卷.....清 張次仲撰 昭代 六四五
伯子論文一卷.....清 魏際瑞撰 昭代 六五三
然脂集例一卷.....清 王士禎撰 昭代 六六三
日錄論文一卷.....清 魏禧撰 昭代 六七五
更定文章九命一卷.....清 王昶撰 昭代 六八三
文頌一卷.....清 馬榮祖撰 昭代 六九三
論文四則一卷.....清 楊繩武撰 昭代 七〇七
復小齋賦話二卷.....清 浦銑撰 檇李 七二三
汪文摘謬一卷附校記一卷.....民 葉德輝校 卽園 七四一

文章薪火一卷·····	清	方以智撰	昭	代	七六九
四書文法摘要一卷·····	清	李元春撰	昭	代	七六九
	清	劉維翰	青	照	堂
	清	劉文翰	錄	七	八三

wt98/02

雪橋詩話三集卷第六

遼陽楊鍾義撰集

吳興劉承幹參校

白健齋中丞準泰先世高麗人賜姓他喇氏隸內府正黃旗由筆帖式主事累官福州將軍乾隆元年改官巡道以疾辭高宗怒籍其家無長物得簿公私出入如列眉上以爲廉授長蘆鹽政調兩淮九年巡撫安徽歷廣東山西山東巡撫辛未南巡或勸拘虎豹備彈弦跼蹐爲供奉者公大驚曰皇上爲觀河省稼巡狩璽書如日爲大臣者目未慣其可違詔以非道悅耶除方

雪橋詩話三集卷六

一求恕齋

物外無所貢十七年以合河僞疏事致於理發香山監工病卒年七十二少子某舉孝廉後爲僧號瑩據上人朱二亭嘗贈以詩云夢回鐘靜萬緣離欲作人天大導師開府中丞貴公子打包南國苦闍黎松風吹雨收經處山月流泉得偈時我亦擬求精進法憑君慧劍斷嘶

癡

雍正丁未武進莊南村兵備柱廷對進呈第一後易置二甲第二張文和嘗語人曰莊某宜元而不元稍抑於前必償於後至乾隆乙丑方耕宗伯從二甲擢一甲第二甲戌仲漳講學以二甲第一特置一甲第一丙子方

雪橋詩話三集卷六

二求恕齋

耕典試浙江仲漳主福建試皆道出常州試竣共給假奉觴二親錢文端贈句云殿上卿雲傳兩見膝前天使喜同歸一時稱爲盛事仲漳婦翁爲彭芝庭尙書丁未會狀亦佳話也其上德濟齋少宰云夙德冠崇班嚴嚴峻斗山忠勤唐特進禮樂漢河間景緯同標望蒼生願識顏虛懷仍善下詣絕莫躋攀列土榮非願名山道與俱精心窮橐籥元理洩苞符補座煩紆眷蓬廬尙久須從來稱大雅今日覩眞儒衡岳凌無極東溟一氣中幾年膺玉節到處扇春風每念江淮地彌霑雨露功袞衣南國頌豈弟孰如公帝命佐邦衡南曹領指紳均平隨器量清覽絕風塵槐市陳經篋蓬山引席珍春風盈講座誰不荷陶甄觀海朝宗切登門夙志欽願陪鱣座側卻望桂巖深朗若雲霞氣清知松柏心陳詞歌壽豈珍重愧南金

翁正三乙巳三月廿九日奏事清漪園詩別館新晴曙

剛逢奏雨來廊深湖水繞逕轉裏山開日泛金霞影天

浮碧玉堆山小金侍臣賜食罷卅載記蓬萊清漪園在萬

壽山先臣侍郎公嘗奉派管理園務高宗以萬壽山

背山臨水因名其堂曰樂壽堂米萬鍾欲致房山大石

於勺園僅達良鄉而止乾隆辛未命移置樂壽堂名之

曰青芝岫而係以詩近西軒夕佳樓皆向西山金陵觀
音山永濟寺懸閣臨江飛廊緣壁因於萬壽山仿作香
巖室取滕王閣序句意作六兼齋每至清漪園先坐玉
瀾堂傳餐理事肖西湖蕉石鳴琴景爲睇佳榭蘇門山
有邵雍安樂窩遺蹟肖其制爲邵窩餘如停靄樓無盡
意軒袖嵐書屋宜雲館舍新亭對鷗舫澄鮮堂圓朗齋
澹寧堂清可軒清遙亭味開齋知春亭構虛軒霽清軒
養雲軒雲繪軒藕香榭繪芳堂尋雲亭雲松巢道名齋
曠觀齋景明樓水周堂治鏡閣寄瀾亭懷新書屋各有
題詠其怡春堂則每鐙節後奉慈寧憑御處也惠山秦

雪橋詩話三集卷六

三求恕齋

園最古辛未南巡歸肖其意於萬壽山東麓名曰惠山
園有載時堂墨妙軒內府三希堂帖於壬申午鐫就雲
成甲戌又刻墨妙軒帖於此樓澹碧齋水樂亭知魚橋尋詩逕涵光洞八景若暢春
園則在圓明園之南 聖祖所建正殿名九經三事

翁正三兩直西苑同韻亭賦豐澤深千耦瀛壺繞十洲
玉虹隄外兩珠露鏡中秋又玉蘭軒奏事詩極島合秋
陰仙壺貯碧岑地迴瑤海北天在玉蘭心皆嘉慶初年
作也西苑在西華門之西創自前明今瀛臺上之涵元
殿諸處皆仍其舊至迤北之豐澤園惇敘殿乃康熙間
所建迤南之淑清院寶月樓同豫軒一帶則乾隆間所

增白塔山卽金時之瓊華島順治間以建白塔而名其
下爲太液池又稱爲瀛臺三海引西山玉泉水從德勝
門水關達地安門之後湖從步梁橋潛流入苑匯爲巨
池中海東西岸跨長橋修數百步樹坊楔二東曰玉蟬
西曰金龍橋以南爲中海南海橋以北爲北海中海北
面北海南面綠垣皆屬於橋俗所謂西湖者開濬深廣
名之曰昆明湖設閘啟閉以溉稻畦以耕織圖摹成石
刻置於延賞齋是處前後爲織染局西爲蠶戶房環植
以桑西隔玉河皆爲稻田康熙間幸西苑泛舟詞臣侍
宴分賜魚藕乾隆間有流杯亭聯句中如漪蘭堂同豫

雪橋詩話三集卷六

四求恕齋

軒蘭室諸處爲歲時佛宇升香簡閱水技臨駐之所其
寺院則萬善時應標於南永安闢福大西天極樂世界
諸寺標於北春耦齋在瀛臺之西一路皆田塍惇敘殿
在豐澤園門內殿後爲澄懷堂乾隆間駕詣瀛臺召對
蒞事每在於此承光殿而臨太液池東有堂曰古籟最
高處爲悅心殿乾隆己亥得馮銓快雪堂石刻補摹泐
石築快雪堂砌石其中浴蘭軒在液池上俗謂之北海
浴蘭義取九歌復初齋集作玉蘭軒誤豐樂軒在紫碧
山房東南隅爲 世宗所構閱古樓在瓊島西麓嵌三
希堂法帖石刻於壁間紫光閣本明之平臺乾隆二十

五年平定伊犁回部圖功臣像其中並弄藏得勝靈藏軍器自是每歲朝正移藩部譙集於此閣之後爲武成殿左右壁刻御筆西師詩開感論左右廡刻乙亥記己卯成功詩二百二十餘首 高宗聖製春耦齋記曰語云周過其廡秦不及期班固美其親親賢賢固本眾建至鄢秦以子弟爲匹夫骨肉失藩衛其然豈其然哉夫秦之失賈誼論之詳矣關封建之議則莫過於柳宗元而周之所以過其廡後世鮮有發厥旨者蓋自后稷公劉世以重農爲務惟土物愛知稼穡艱至於文武成康猶是道也立我蒸民祈天永命詩書所歎略同一軌國

雪橋詩話三集卷六

五求恕齋

家龍興東海較之周家藝荏苒迺場疆者固有不同而天下初定禮樂未遑卽舉祈穀之祭下力田之詔我皇祖建此豐澤園於西苑以勸樹藝而較晴雨至於皇考歲舉耕耘之典必先演耕於園北弄田以視周家世業肯穫者有過無弗及予小子聰聽祖考之彝訓亦惟是無逸作所民本食天之念拳拳母懈不敢以一己之貴而忽萬姓之窮不敢以四方之豐而忘一隅之歉二十一年以來此物此志也園之內有齋茲以春耦名之而闢其說如右石渠寶笈中舊藏唐韓滉五牛圖農部尙書蔣溥因進其父故大學士蔣廷錫做項聖謨墓

本又得項聖謨卷古今名蹟一日會合良稱藝苑盛事夫服膺力穡牛之資用最鉅並貯齋中每一展觀如見洪縻縹輓馴擾膏壤閒然予知依務本之意所爲在此不在彼也至勤政殿居西苑正中額爲 聖祖奎畫世宗於圓明園視事之殿亦以勤政名之 高宗於香山靜宜園復建勤政殿 列聖相承莫不以是爲亟仁宗嘗著勤政殿記勤政箴揭示焉補桐書屋綺思樓皆雍正初年 高宗讀書處曰日知閣在石梁上日課詩論於此樂善堂集而外別爲日知齋說四卷見乾隆戊申日知閣詩注

雪橋詩話三集卷六

六求恕齋

黃莘田恭頌惠獻貝子功績詩并呈制府鎮國將軍云秉鉞登壇世統兵折衝樽俎舊威聲鎬鐘豐鼎藏金冊旅矢彤弓出玉京鏡吹連山摧伏莽樓船橫海戮長鯨宗臣名將垂勳少半壁東南萬里城三葉方苞起蜎毛中原慘黷沸波濤專征元帥歸龍種制閭將軍握豹韜下瀨眞成迎刃勢九泥空謝守關勞降王已入游魚鼎笑語迎門餉濁醪鞠躬盡瘁鬢如絲蹇蹇王臣逐尾箕新息瘴生茹嶺日臥龍星隕丈原時勤民定國馨香重丹荔黃蕉陟降思不獨闕宮瞻奔奔道山亭比峴山碑天潢貽燕溯淵源嶺海重瞻榮戟門周召勳庸縣帶礪

閒平禮樂奠屏藩治臻累洽重熙日人受三朝再世恩
歲歲祠堂春草綠杖藜騎竹擁王孫時乾隆初元德濟
齋方督閩浙也

吳縣韓其武明經補瓢存稿爲歸愚宗伯手訂詩詞古
文皆蘊藉醇雅爲有德之言經項宮詹廢園云林鬱芥
榛蕪陂池沒新漲巍巍宮詹園行人過惻悵勝國隆儒
臣金貝從物望冠以東朝銜居然號儲相布置依前模
粉藻愜心匠難窮歌舞娛罔測花鳥狀不幸罹世厄失
足誤所向國破家何依身名兩凋喪想當誦讀時亦能
籌伯王事至不復持空言安足仗公卿羅第宅誰能久

雪橋詩話三集卷六

七求恕齋

無恙功名與氣節卓爲世景仰賢愚同百年不朽亦相
況流連景物餘藉爾作懲創欲保明哲身反遜匹夫諒
許琰故寒儒詎識游觀壯其曾祖治明黃巖令祖聲明
諸生崇禎初定逆案吳人毀逆祠卽其地爲五人墓馨
時年未弱冠以書名吳因之致書乞題碣大書五人之
墓四字書曰人子之也所以媿屈膝闢寺之不爲人者
其武詩云英風颭颭繞迴塘青塚纍纍俠骨香一擊自
同椎博浪百身何異痛三良頭顱敢爲忠臣惜敗負能
增黨籍光變例春秋墓前石先人特筆凜風霜王西莊
曰下集懷其武詩滌骨錢肌格儘奇都官水部轉多師

比來蹤跡成蕭散爛作虛樺桃杖詩蓋甚推之其題趙
承旨畫云雕鞍初脫臥平沙想爲天閑貌玉花太息朔
風吹白雁舊時龍種屬誰家花花葉葉意交融露側風
故白化工誰道遺民作心史也將餘墨寫幽叢語亦含
蓄

補瓢明經先世居長洲之雲和里號雲東韓氏內行醇
備從父弟子敬疾篤執補瓢手指其婦腹曰儻生男必
教以讀書母廢我業死踰月果生男暢生四歲母又歿
攜暢來家以養以教十有三年作文頗有進口占示之
曰母胎悲失父四歲母云亡兩匱棲殯屋孤雛寄我傍

雪橋詩話三集卷六

八求恕齋

莫嫌勤督責且復戀詞章轉眼須成立悠悠此意長其
歲暮雜書示子姪之一云先民亦有言學以治生急此
言非教食庶用資自立菽水飢可充蓬蓽陋且葺條然
淡無營禮教猶所習并此而不足其能免憂悵挺而或
走險狡獪誠難戢傾貲鬬衣履物力焉能給樸野何足
斬節縮在籽粒酒食相徵逐殆哉尤岌岌勤惰關盛衰
人禽判呼吸慎勿厭曉曉不異秦庭泣彭芝庭尙書稱
其父聲谷先生勤悲治家濡染庭訓處豐而約門以內
雍然穆然有所自也其云譬如經冬草植根土宜厚惟
悴冰霜餘春來特娟秀人生一失足百歲那可復尤足

爲潔身植品之法

嘉興曹孺巖孝廉培亨有松風堂集工於集句集陶如不學狂騷子聊爲隴畝民揮觴道平素緩帶盡歡娛妙造自然集杜尤多遺興二首云經濟慚長策哀歌歎短衣雲晴鷗更舞月細鵲休飛竟答兒童問其如儔侶稀灌園長取適永息漢陰機幽棲誠簡略客至罷琴書南極青山眾西郊白露初宿陰繁素奈別浦落紅葉對酒都疑夢因歌野興疏張瓜田稱其妙集良材巧裁狐腋與萬循初爲潘楊之戚自作者多輕率不逮集句爲可傳

雪橋詩話三集卷六

九求恕齋

鴻臚寺大門內舊設龍亭緬甸琉球安南朝鮮接踵朝貢演禮於此袖煙堂丁香植於陳賓齋宗伯花時觴詠唐荊門司寇夾植桃李作記陷於廳事南偏而汪退谷爲之書儲梅夫詩設官綿蕞因重譯瓦壁森嚴舊有亭歲歲外藩看習禮砌花榮落似堯莫鴻臚所掌引相朝儀與漢謁者臺唐宋閤門宣贊相近也

胡雲持有感侯生詩鶯鶯羣飽鵲鸞飢珠樹無峰寄一枝憐汝不應文彩減與人何事語言奇林花得意傷春日酒夢迷天失路時千載有心憐范叔隴雲關雪香誰期侯元經臨海明經再舉鴻博帥蘭皋以爲樊紹述劉

復思後一人中丞某以其書法潦草置之考職得丞簿黃靜山守鎮江延之閱卷一夕卒官江寧時高才生執藝就正者填于門于秦礪泉侍郎尤稱神交方其歿也礪泉春闈中忽夢元經至執手如平生寤則知其已死遂作四詩哭之礪泉遂以是年魁天下亦異事也諸襄七題侯主簿攜兒度嶺圖云慈姥磯寒落木稀望夫石爛擣征衣過橋照見春衫影嶺上晴雲片片飛紛紛擁慧魯東門詎抵侯生一劍存莫學夢遊輕失足相逢誰是信陵恩元經題畫詩程魚門於李芋圃齋壁見之歎諷良久名流同不傾倒也

雪橋詩話三集卷六

十求恕齋

吳西林訪黃雪山房紫山徐文云欲問幽棲郭林芳共一門隔離松子墜過澗鶴翻養道追虞夏將書潤子孫坐來成小劫山頂口車髯紫山居清波門外三學士港門前古井有宋時銀杏一株每當秋風葉落如積雪焉朱竹垞題詩壁上有白雲當路斷黃雪滿林飄之句著清波小志與田孝子世容稱南山二高士朱青湖詩垂老湖灣隱前朝樹表村及沖晦幽居傍水村庭前老樹已無存則紫山既歿以後作也

施竹田舊雨齋詩舒雲亭爲之捐俸授梓句如霜力到竹樹設色愈老蒼林深春意慳老梅抱冷翠均見匠意

邦江土穀祠大樹相傳爲千餘年物同松阜研北賦之
云城西古社神貌崇富門一樹盤蒼穹鸛巢忽墮夕陽
外鴨腳半黃秋影中擁腫詎免野火劫竊竄綴以丹青
工我來摩挲抄紀甲子移根或者青羊宮自謂不能以唐
宋派別相繩者也

蘇子卿墓在韓城北落村墓前古柏數百本枝皆南向
朱浣桐方伯詩四面青山環北落千株古柏向南朝秦
太子扶蘇墓在綏德州卽北監蒙恬將兵處譚吉璫爲
刻孝子忠臣四大字俞退園詩怪石插左右陰霾莽迷
離空山歷千年尙有奇鬼馳憶昔蠹賊高鼓弄丞相斯

雪橋詩話三集卷六

十一求恕齋

天潢觸斧鉞忠義皆磷緇哀哉仁孝言父賜安敢辭將
軍雖有辨縛去當誰知窮冬訪遺跡荒墳尙嶽崎落日
照古廟西風捲靈旗大哉碑碣名萬古長嗟咨下馬拜
當道木末聞號鴟

張石帆贈關雪江詩瓦盆有客旋盛酒泥竈無人獨祀
茶乾隆戊午十二月二日雪江七十鮑海門贈詩云唐
積山下客七十未積唐鬱鬱新營柳童童舊井桑生逢
仁壽節門識孝貞坊仲若堪鄰並輸君益老蒼分合傾
山許眞如瀉水論名聞俠處士詞屈稗沙門冰雪南山
殷帷簾臘日尊梅花與詩卷羅列富兒孫雪江蓋老而

無子

鄒小山宗伯嘗蒙賜畫禪願壽扁額有圖記三曰不堪
持贈不能應酬不受促迫無錫諸生韓雲卿每代爲設
色歸田後闕一齋曰二知每歲除夕書鍾進士數幅乾
隆十一年八月侍宴瀛臺宴罷賜游西苑乘舟至曲水
亭聯句是日大學士預擬恭和 御製者三十八人皆
卿貳宗伯時以四品銜不在內 高宗親易二人而以
公及沈文慤補入亦異數也其三十二牡丹圖趙鹿泉
有記

雪橋詩話三集卷六

十三求恕齋

惠定宇序吳竹嶼硯山堂詩云昔人言詩之道有根柢
焉有興會焉鏡中之象水中之月相中之色羚羊挂角
無跡可尋此興會也木之風雅以導其源泝之楚騷漢
魏以達其流博之九經三史諸子以窮其變此根柢也
根柢原於學問興會發於性情云云吾謂論本朝一代
之詩當以此語爲衡學問勝者其詩必有異人之處竹
嶼懷定宇詩經義紛綸并大春天教空谷滯聞身安昌
甲第扶風帳青史流傳祇笑人

保雨村題張棟看雲詩稿云江南江北采芙蓉花落天
寒意已慵惟有看雲人不惡獨留青眼對青松紛紛衣
狗眼中過我亦傷心喚奈何何日與君同載酒西山高

處野雲多看雲從李玉洲授詩法清涼山詩遠樹帶山
排郭入飛雲挾雨過江來劇佳與雨村至契雨村久困
曹掾看雲嘗客康邸兩次獻賦幾得復失遭際略同其
夢雨村詩亦見古道

楊山齋節操凜然初未知其素嫻繪事張看雲有題其
長林豐草圖贈姚晉巖詩甚致推絕看雲故能畫非妄
歎也

桑波甫有歷城三詩人序一朱令昭次公一劉伍寬蒲
若一方啟英獅山皆沈椒園守山東時所甄錄也獅山
有義行而隱於醫四十始爲詩籍本金華僑棲歷下其

雪橋詩話三集卷六

三求恕齋

游龍洞詩云神龍挾雷雨變化寧有窮陰沈蟄潭洞吐
氣凌高穹游者跡鮮入螺旋躡從龍余亦拄藤杖卓險
排幽宮三山陟歷蹇一徑紆迴通窅冥青嶂裏敲側萬
壑松摩挲得古碣緣源與初終威能攝旱魃誥乃來元
豐焉有席勝賞而忘濟世功歸與不覺晏樹灼秋煙紅
風骨頗見高邁

閩縣林青圃通副枝春高士湛孫少孤苦負薪汲甕以
養母官中書時夢母病遂航海歸獲送終能詩尤工書
法丁巳第二人及第以侍講督學河南有二教堂五百
餘所奏請盡改爲義學轉銀臺歸主鼇峰書院教諸生

坐作進止皆有規矩多所成就伊用侯四君詠云納言
姸羣雅才識真良史噩夢感神通思親航萬里繩士常
懸規檢身寧越禮尤工大令書褚薛不爲美

陸清獻宰靈壽時山出一泉民稱陸公泉無錫買霖沛
然以丙辰進士官靈壽復出一泉民稱賈公泉詩如數
程曉月行忘遠一路青山看到家頗近自然

乾隆壬申李爲棟王瑞霖以賄屬朱荃爲伊子營求入
學伏法杭堇甫哀蜀二友云柴市同歸日難招萬里魂
岷峨半天秀煙霧九秋昏左計人誰惜遺文世或存

雪橋詩話三集卷六

四求恕齋

見欽之句則謂香子編修詞科同年也

嘉善曹古謙鴻詞報罷歸途雜詠云酒盃愁照離人面
草色寒侵去日袍廣陵舟次留別厲太鴻云獻賦漫勞
尋往事挑鐙不盡接深談類皆感遇之詞春雨和錢嶼
沙編修云吟苦縱愁春冷淡病多偏穩睡工夫語極蘊
藉

秦文恭公爲留仙論德孫未過時沈酣經籍與管蔡龔
二吳爲五子談經之會舊居在師古河上康熙壬寅其
尊人維生給諫道然以藩邸事罰鍰繫獄文恭督紆父
難賦詩有栖息知無地晨昏覩有身之句先世遺產爲

之蕩然乃僦居婁巷有斗室卽所謂味經窩也乾隆丙辰成進士第三人授編修給諫罰鍰未完尙在鞫所草奏陳情請以身代蒙恩得釋給諫出獄獲優游林下者十餘年時與方恪敏稱二孝贖還故宅曰嘉會堂漢軍王瓚雁亭家奉天乾隆丙辰以拔貢赴京廷試聞母喪痛不欲生抵家母已葬廬墓三載以哀毀卒當結廬墓側時有孤雁巢檐下飲啄與雁亭相隨半載無異或毀其巢雁去雁亭以丸泥補之雁復來明年巢中生艾枝雁復去雁亭知之爲去艾葺草雁來如初三載依依去時猶縷戀哀鳴不能舍已未傳謹堂督學奉天請於朝

雪橋詩話三集卷六

十五求恕齋

表厥宅里爲撰土孝子墓表其言曰禮云喪有疾食肉飲酒必有草木之滋焉又曰禮爲可傳也爲可繼也故哭踊有節夫以毀不滅性之義律生其失也過然視夫居喪無戚戚之容甚且敗度敗禮固生之罪人也雷翠庭稱爲有關名教之文

善化孫隣初大令良貴博聞強識足跡半天下已未成進士官常德教授戊辰以計典保薦擢甘之安化令詩多紀事之作其定西六君子詩一爲任總戎舉一爲拉都統布敦一爲傅軍門清一爲和將軍起一爲鄂參贊容安一爲班定北第謂都統死朱墨黑爾之亂其入藏

過保定懷古詩大業未成悲樂毅雄圖已失憾荆軻遂成讖吳笏菴清鵬題鄂剛烈遺詩卷云更聞班公亦能詠何人與爲收珠璣定北詩今亦無傳知當時將相大臣無不兼資文武白山諸選漏略良多其湮沒者不知凡幾矣定北任楚督時隣初膺荐晉謁訓勵有加初不以勳門貴仕傲睨微員猶見吾鄉老輩風範其白門紀游詩謂壬午行虎踞關外一漢軍老人李姓者曰君首湖廣人記幼年時湖廣四強住此間黃岡杜濬杜芥大治周夢卹湘潭黃周星皆畏他倔強此杜芥故僦居也詩有烏金蒼革猶能說十廟牆東杜芥家亦可資談助

雪橋詩話三集卷六

十五求恕齋

烏金謂烏珍超哈今名漢軍旗

乾隆七年怡邸明善堂刻巾箱本四書五經字畫紙墨極精所造角花素箋精絕可愛曩於海王邨購得百番今盡失之李越縵用山谷次韻王炳之惠玉版紙韻詩略云名紙所萃走都市溢塵間價轉華穀魚網厚韌出東澱蠶繭鮮明白西蜀承平賢王有素尙獨裁新意斷冰幅不使纖紋侵行理小璽樣花辦角曲寫書實事此見端驕孫簡彈莫點辱再題怡邸所造角花大牋云玉璽裁盈尺猶承芳木華盛時想清暇一事必名家白碯明光雪紅呈押角花摩挲文獻舊莫僅藝林誇又子培

以怡邸山花小箋素書云桃花細鑿玉璽紙薑牙斜錯
銀鉤書文房持此慰饑渴十資可比一斛珠押角豔奪
紅珊瑚澄心祕造恐不如我吟小詩出新意濯之錦川
花滿湖皆可增成故實也驕孫謂載垣

慈航寺距保定廿五里地名漕河向只一團焦有鑑慈
長者主之方恪敏未遇時嘗大雪夜過此凍踣於菴
門外鑑慈聞人聲拔慧視之掖之入飲以湯水得不死
待其愈復資以衣裝趣之入都不二十年恪敏擁節全
畿遂出私財建寺以報其德鑑慈頗有道不以公加禮
而入州府公之子勤襄公猶子來青尙書亦先後督直

雪橋詩話三集卷六

七求恕齋

遂爲冠蓋憩集之所香火殊盛壁有恪敏自書詩幅及
貯蘭圖遺照吳蠡濤有寺門斜照逐沙偏宮保祠堂側
左邊及柳眠官道王睢老麥熟齋廚不飪便之句吳巢
松詩云英雄有迹遺巨眼得尊宿請看鑑慈師意在拯
焚獨譬如昏夜叩必與水火足誰知雪中人乃爲八州
督種木本無意棟梁已儲蓄匪特霖雨宏兼資龍象福
報恩崇煥儼鐘磬出花竹隴呼十牛耕廚給百僧粥積
然一團焦氣壓萬間屋有德師不居悟此可不辱恪敏
自塞外歸金陵家無一椽借居清涼山僧舍中州僧知
爲非常人厚待之其修清涼山廟亦所以報也

毘陵莊念農太守經畬丁巳進士乾隆十年貴池民熊
永安與金海門金傷重熊慮訟不勝適族弟長德病死
乃斧尸頭誣金縣令謝廉其姦遂并誣謝謝竟落職而
金抵罪民洶洶不平念農時知建德撫軍諾檄念農覆
案之檢腦骨陷于顱非生前傷鉤距旁證得唆使人洪
永若方尙勳等而長德妻亦傷其夫尸之無故熏灼也
跪謝告實能乃伏法事得雪 高宗南巡黃文襄尹文
端俱倚如左右手供張儲侍絲毫未挂於過差以才力
取遷擢其荅沈秋塘斷句云萬里長風一櫂孤中流帆
腳看巖嶇他時妒婦津邊過好向舟師細問途春色寧

雪橋詩話三集卷六

六求恕齋

遺貧女家錦翻新樣燦如霞嫁衣鍼線年年歷刺盡人
間稱意花蓋有感於伎者之歎也三歲喪母十三歲有
句云昨夜夢中呼小字相逢還問是何人其篤于天性
若此

納蘭中丞常鈞由舉人授中書乾隆壬戌官甘肅安西
道哈密西驛館壁間有題鴨子泉詩墨刻在焉詩云曾
奏南薰解舜顏敦煌祠廟白雲間靈旗影裏銅烏靜社
鼓聲中戰馬閒萬里平沙開瀚海一屏晴雪映天山高
城月落飛羌笛又見春光度玉關關外平沙無極凌晨
青黃一氣漫空撲地而來土人云此沙市也其序劉念

臺先生人譜云易繫詞言立人之道曰仁與義配天地
稱爲三才禮經言人者天地之心陰陽之端四時之會
五行之秀氣也故人而能盡人道則天地資以參贊萬
物賴以裁成失其道則與萬物等甚且或不如之莊周
言名者實之實人之爲人即名而實具焉被此名者不
可不重自審也與鐵梅翁刻人帖欲學者以人爲帖不
以書爲帖之言皆學者所當膺服

上虞趙赤繡教授金簡宰通許三年改官武林凡十八
年乃罷有玉簪花絕句云天將白玉結芳心鶴夢清芬
蟋蟀吟草逕風淒髮種種不應尙有未抽簪

雪橋詩話三集卷六

九求恕齋

泰州宮節溪廣文增祐東戴孝廉震云耆舊江夫子疑
義相與析諱永字慎修發原人方姜萬已往方苞姜兆錫萬斯大鍾丈
酣經籍諱晚著有春秋詩經周禮諸說錢盧今鉅子錢大昕盧文弨兩太史王任
頗抉擇王楷曾庶常任大椿禮曹任基振中書云云勵暇先生書今不傳

然當時學人皆推重之節溪爲定山中丞曾孫游方朴
山雷翠庭王已山陳桂洲諸公之門舉乾隆癸酉賢書
卒年九十三所居春雨草堂有香草亭美人之居爲中
丞高臥著書之地節溪繪有蒹葭秋水圖子麟困菴嘗
館王述菴施小鐵兩公所亦工詩有硯耘吟稿

乾隆丙寅六月梓州琴泉寺浮屠圯內出藏經數十卷

浦江鄭致西崖宰蓬溪得其法華殘葉同出刻經署尾
有朱書武成三年字遂推爲蜀王錯鱣祥手書塔名下
光字上字微蝕類淨字同時題詠有宋銳小巖及錢坤
一有兩舉制科印王夢樓蔣清容趙損之吳白華程魚門盛秦
川錢竹汀錢竹初最後跋者練廷璵栗仁韓小亭玉雨
堂亦藏有此經劉燕庭謂在蜀未久物色未獲咸豐元
年劉寬夫以小亭所贈分惠十行意甚重之魚門詩云
熊能摩挲光浮紙幾葉名經樹靈軌誰爲小楷王鱣祥
僞蜀相終唐刺史書工八法類仙手佛繫一家稱弟子
牙籤著錄二千卷紫閣迴翔三十祀殺膳應分當面廚

雪橋詩話三集卷六

九求恕齋

校讐待續崇文匱白藤擔子筆氣適青城山匡鼓聲死
修降表但罪李家草創寧知自公始寫經書上般若船
藏匿教歸貝塔阻風輪缺破到琴泉長其松柴栗薪毀
潼川令君絕好事急走如鷹搜寶笈依稀跋尾紅硃鈐
武成三年戊辰是是時帝者餅師兒冠子金床識初紀
辟支牙獻賞僧腴半面狀成窺女美婆羅花作雪絮飛
蘆荀香隨絳雲起角冠纔禮玉宸迴珠帽俄驚灌口似
興亡瑣瑣托仙釋進退容容萃卿士冷淘飢飢紛何樂
銜壁牽羊吁可恥入草人終保暮年得無象教慈堪恃
此經法數七卷完此本策殘一卷止厥惟釋序品居首

勛造莊嚴結歡喜第四卷復歸虞山顧主事備九得信解品卷第四

據奇琛裝錦綺壯金粟綻石函邊女珊瑚攀鐵網裏奔

來迦利梵語謂蓮花殊相呈阿耨多羅妙音委直將大地喻

根跏趺破山河千萬蕊面上豐宜免狹長舌端腴漸舒

華薦諸說騰瀾果是非古姿觸眼煩銓擬君不見能仁

院弄宗壽札本業碑誇德筠記須臾變滅隨雲煙獨遣

書淫留俶詭金壺記以錯爲書淫行間體勢特嚴謹柳骨顏筋抉

其髓雖無楚雲刺血虔已會毘邪握拳旨江瑤寸柱敵

諸味天酒盈囊滌甘瀦貪奇玩物信可箴說理談宗未

容訾詮題與證文字因雁掠寒空影沈水餘詩不具錄

雪橋詩話二集卷六

王求恕齋

朱笠亭題晚亭遺稿云翠羽明璫暫游戲銷除有計去

春風吟魂應向吳江畔化作長天一斷虹幾行疏柳仍

殘照不盡涼雲散遠垌潘令獨愁秋色裏蕭蕭一雁下

寒汀晚亭爲錢弁江明經室沈蕙玉震澤人有聊一軒

詩其自箴四首云天生蒸民有覺其性陰陽肇判含元

達順琴瑟載詠蘋蘩攸司夙夜用敬猶懼或虧無曰深

閨莫余云觀淑慝在躬指視暗室維椒與蘭植於中田

我思君子淑慎塞淵先民有言言不出閭牝雞之晨厥

家用損節以應佩琴以和神詞苟或費寧默而存勿尚

爾舌寸心是弛既悔而追不脛千里嗟嗟愚盲慎其德

音鵲鳴多言祇名文禽紉纈在室煥乎有爛淒其以風

滋我永歎維織與紉爲坊厥心舍業而嬉淫隱相尋野

有絡緯振迅其翼爾安用嫺微羽所疾雖有孔翠不如

春蠶之子纂組不如布縑冀妻如賓孟光舉案夫豈嬌

情媿情斯遠啼眉折腰邦國之妖彼昏罔知反以用嬌

幽閒貞靜曰配君子載色載笑若佐之史敬而能和穆

如清風修身準此維以令終沈文懸謂可補班氏女誡

而深以年命不永爲惜也

王芥子贈邵荀慈句吾生得爾沾沾喜早歲論文憤憤

多芥子於文推服荀慈自言平生爲文未嘗苟作其答

雪橋詩話二集卷六

王求恕齋

學徒諸篇具見宗旨所在尺書小簡四卷頗饒情韻類

魏晉人與羅泰初云從古人情不能免者聖人弗禁飲

食宴樂鐘鼓管絃之娛但使有節皆可以導鬱宣幽調

平血氣然初不聞許人恆舞酣歌沈沔於酒也後世人

物兩晉最爲無行飲酒弄婦人略不諱恥而自命放達

正是哀莫大於心死如劉伶以酒爲生此等人在世間

幹得甚事所謂相率出於無用胡爲不殺者也何名達

哉此語可以砭俗文集鮮傳本光緒壬辰鹿喬笙從伯

希得舊鈔本鈐板於京師芥子能填詞嘗語人云其樂

勝於吹竹彈絲居常自書青衫溼百字令諸闕以貽知

好此集無有非足本也

鄭誠齋贊善家本義門官翰林二十四年植品孤峻于文襄官學士時以進呈詩冊屬爲改正謝曰前輩何敢輕議乃別爲一篇以獻文襄斂手推服後文襄當國欲要之一見屬陳銀臺孝泳數道意姑諾之終不往文襄自是不能無桀於中乃欲以病辭職劉文正謂曰今會典通考兩書未成乃舍我去我將焉倚強之留數月終辭歸其提學湖南去任時有二截云與前羅拜各陳詞左設方圓右進厄苦道南方風俗陋野蔬村味獻宗師遺珠不怨采珠人一例孤寒感激眞敢信鑑衡公論治

雪橋詩話三集卷六

雪求恕齋

須知耕讀士風漳短身而鬢眉秀異吐音洪亮馮魚山其視學粵東所得士也爲定遺集少時常夢行萬山中凌絕頂頂無雜樹多松松徑翼然而出者如亭然顏曰吞松閣俯視斜日松陰滿亭洞庭周笠爲寫圖遂以名其集論詩謂人之性情好尚不得強附在能自得師僕于古人空際流轉處差有體會貫通耳與錢稼軒言作詩須取古人神味如薰香然久自染化宗旨略同從兄雪杖山人鄭炎字清渠爲客星山人陳古民女夫師友多鉅人長德詩筆豪蕩屢試不入廢于酒人醉卽潦倒任誕罵坐酣寢句如到夜不饒花底月逢時且過眼前

春花開自媚窗前月葉落方知天下秋所謂好襟懷初不要人知者其祖名典字子詔父挺字不羣詩集附雪杖集後以行猶山谷晦翁兩集之遺意也

鮑辛浦贈王載揚句云師資兼秀水宗派本新城蓋其詩一以漁洋山人爲宗時時出入於小長蘆釣叟也阮亭許山雜詩云寺裏人看寶誌迴湖邊蕭鼓晚仍開撐船直入花深處雲葉當頭山雨來竹垞紅橋絕句春蕪小雨滿城隈茆屋疏籬兩岸開行到紅橋轉深曲綠楊如舊酒船來載揚亦有青谿絕句云青谿谿水碧于苔高下河房繡幙開日暮藕花風起處魚鱗波上燕雙來

雪橋詩話三集卷六

雪求恕齋

錢坤一己卯上元日圓明園正大光明殿待宴詩注上御寶座王公大臣蒙古王貝勒貝子及于闐回長漠咱吧爾等賜筵列殿東西楹間相對藉坐講官筵側侍寶座右殿西北隅藉坐案圓明園經始於康熙辛卯正大光明殿爲正衙櫺爲世宗御書上元後一日小宴廷臣例設於此其乾清宮正大光明櫺額爲世祖御書景山觀德殿正大光明櫺爲聖祖御書香山距圓明園十餘里乾隆乙丑就行宮修葺爲園曰靜宜率憩含暉堂披閱章奏引見庶官坤一靜宜園曉直句云堯臺舜館藹朝陽邃谷修林擁太行西山爲太